

նմա զվնաս անցորդաց , և խնդրեաց փակել զդուռն զայն և բանալ 'ի կողմն հիւսիսոյ : Դասաւ որն ինքնին ել 'ի քրննութիւն տեղւոյն , և չգտեալ վնաս և կամ հակառակ ինչ օրինաց : Հրամայեաց փոխել զդուռն և նորոգել զվնաս :

Իսկ Դաւիթ եպիսկոպոս ետ բառնալ անտի զդուռն և զտեղին եխօց քարամբք , և 'ի կողմն հիւսիսոյ արտաքոյ պարսպի վանաց կից յորմն էր սենեակ մի , որոյ դուռն բանայր 'ի ներքուստ . ետ բառնալ զայն անտի , և ընդարձակեալ զտեղին , եբաց անտի զարտաքին դուռն վանաց , և արար ճանապարհ յատուկ սակս միաբանաց . որպէս երեւի մինչեւ ցայսօր ժամանակի : 'ի ԿՄ Մուհարրէմ , ԳԳՀ (1585) :

Ժողովուրդք Յուճաց բնակեալք յերուսաղէմ , ժողովեցան յաւուր միում 'ի տաճարն Ս . Յարութեան , և 'ի գիւղերին յայնմիկ արբեալ շուսյտեցան 'ի գինւոյ , և բանս եղեալ ընդ միմեանս , իբրեւ զազան կատաղի սրով յարձակեցան 'ի վերայ ուխտաւորացն Հայոց՝ որք էին անդ , և եղեւ պիտուկ և խռովութիւն մեծ , հարկանէին զիրեարս , ապա պատառեցին զպատկերս , խորտակեցին զկանթեզս , և զամենայն ինչ զոր միանգամ տեսին աչք նոցա : Եհաս լուր խռովութեանն 'ի վանս Ս . Յակոբայ , Կիրակոս վարդապետ Գարձայ կոչեցեալ՝ փութաց առ դատաւորն՝ ուր եգիտ ըզքաղաքապետն , եւ պատմեաց առաջի նոցա զանկարգութիւնս Յուճաց և զվնասն որ եղեւ 'ի տաճարի անդ : Իսկ դատաւորն առաքեաց զմահաւ և ետ ըմբռնել զխռովիչսն , և 'ի լինել հարցափորձի յատենի անդ , յուրաստ եկին ամենեքեան , թէ ոչ երբէք արարեալ են զայնպիսի իրս : Սակայն Կիրակոս վարդապետ կացոյց վկայս և հաստատեաց 'ի վերայ նոցա , զոր միանգամ արարեալ էին , և դատաւորն պատուհասեաց զնոսա գանիւք . 'ի ԿՕ Ճէմազիլ էվիլ ԳԳԸ (1589) : Դաւիթ եպիսկոպոս տայր նորոգել զորմըն Հրեշտակապետի վանաց , եւ դնէր զանկեալ քարինս 'ի տեղի իւրեանց , իսկ քաղաքապետն կալեալ զգործաւորսն եղ 'ի բանտի , պատճառելով թէ առանց հրամանի զնոր շինուածս առնէք : Դաւիթ եպիսկոպոս ջանայր բազմօք շիջուցանել զցատումն նորա , և 'ի չհանդարտիլ նորա՝ ազգ արար դատաւորին , և խնդրեաց ելանել 'ի քննու-